

ISSN 1829-2925

# ՇՈՂԻԿ

Տոցիկ  
2024/1




Տնօրէն Կոմիտէ



AMAA

ARMENIAN MISSIONARY  
ASSOCIATION OF AMERICA  
ԱՄԵՐԻԿԱՅԻ ՀԱՆ ԱՎԵՏԱՐԱՆՆԱԿԱՆ  
ՈՒԿԵՐԱԿՈՒԹՅՈՒՆ



**Հիմնադիր՝  
ՀԱՅԱՍՏԱՆՅԱՅՑ ԱՎԵՏԱՐԱՆՆԱԿԱՆ ԵԿԵՂԵՏԻ**

**Խմբագրական խորհուրդ՝**

Պատասխանատու խմբագիր՝ վեր. Ավետիք Խաչատրյան  
Գեղ. խմբագիր՝ Հասմիկ Հարությունյան  
Խմբագիր և սրբագրիչ՝ Լյուսյա Առաքելյան  
Էջերի ձևավորումը՝ Արման Սարգսյանի

**Գրանցման վկայական՝**

01Ս 000035

Հրատարակչության 23-րդ տարի

**Editorial Board:**

Chief Editor: Rev. Avetik Khachatryan  
Content Manager: Hasmik Harutyunyan  
Copy Editor: Lyusya Arakelyan  
Design and Illustration: Arman Sargsyan

«Շողիկից» մեջբերումներ անելու  
դեպքում հղումը պարտադիր է:

**Ամերիկայի Հայ Ավետարանչական ընկերակցություն (AMAA) © ՀԱԵ / ECA**

📍 33, 0019, Երևան, Բաղրամյան 18

☎ (+374 10) 54 35 52; 54 35 76

🌐 www.shoghik.am

✉ ce@eca.am

Տպագրվել է «Մագադաթ» տպարանում:

Տպաքանակը՝ 8.000:

Տարածվում է անվճար:

# ՈՒՍ ԾՆՆԴՅԱՆ ՏՈՆԱԽՄԲՈՒԹՅԱՆՆ ԵՄ ՀՐԱՎԻՐՎԱԾ

Երբևէ մասնակցե՞լ ես ծննդյան տարեդարձի՝ առանց հոբելյարի: Մի՞թե տարօրինակ չէր լինի, երբ հրավիրված լինեիք խնջույքի և շնորհավորելիք ու նվերներ տայիք միմյանց, բայց ոչ նրան, ում ծննդյան տարեդարձն է:

Կգարմանա՞ս, եթե ասեմ, որ այս օրերին բազմաթիվ մարդիկ մեծ տոնախմբությամբ և շքեղությամբ նշում են ծննդյան մի տարեդարձ, որտեղ հրավիրված չէ իրական հոբելյարը:

Ի ուրախություն ինձ և քեզ՝ մենք գիտակցում ու հասկանում ենք, թե ում ծնունդն ենք նշում և ինչ տվեց մեզ այդ ծնունդը՝ Սուրբ Ծնունդը: Որովհետև դա Աստծո միածին որդու՝ Հիսուս Քրիստոսի՝ աշխարհ գալու տոնն է, Որի Ծնունդով և Հարության մարտի լուծվելու ողջ մարդկության փրկության հարցը: Անշուշտ սա յուրաքանչյուր քրիստոնյայի համար ցնծության և ուրախության առիթ պետք է լինի, ուստի միմյանց հետ նվերներով փոխանակվելուց առաջ նախ մեր նվերներն իրական հոբելյարին շնորհենք:

Բայց ի՞նչ կարող ենք նվիրել մեկին, ով աշխարհն արարող Աստծո որդին է և արդեն իսկ ամեն ինչ ունի: Այո՛, ճի՛շտ ես՝ նրան նյութական ոչինչ պետք չէ: Սուրբ Գիրքը ևս հավաստում է դա. «Այն Աստվածը, որ ստեղծել է այս աշխարհը և դրա մեջ առկա ամեն բան, նա է երկնքի և երկրի Տերը: Նա ձեռակերտ տաճարներում չի բնակվում, ոչ էլ մարդկանց ձեռքով է պաշտվում, իբրև թե մի բանի կարոտ է: Նա է ամեն բանի կյանք ու շունչ և ամեն ինչ տալիս» (Գործք Առաքելոց 17:24-25): Թերևս միայն մեր սիրտը որպես նվեր տալը բավական է՝ Հիսուսին ուրախություն պատճառելու համար:

Այսուհետ երբ պատրաստվես Սուրբ Ծննդյան և Ամանորյա տոներին, հիշի՛ր.

Սուրբ Ծնունդը միայն նվերներ տալն ու ընդունելը չէ, այլ, նախևառաջ, Քրիստոսին նվիրվելն ու Քրիստոսին իբրև նվեր ընդունելը:

Սուրբ Ծնունդը միայն մարդկանց հրավիրելը կամ հրավերք ընդունելը չէ, այլև Հիսուսին մեր սրտի տուն հրավիրելը:

Սուրբ Ծնունդը միայն տան, մարմնի և նյութականի պատրաստությունը չէ, այլև սրտի, հոգու և մտքի պատրաստությունը:

Որովհետև միայն պատրաստված սրտով, հոգով ու մտքով կարող ենք ընդունել, դավանել ու հռչակել մանուկ Հիսուսին:

Սուրբ Ծնունդը միայն տարեթիվ չէ, այլև կյանք, և այդ կյանքի աղբյուր մանուկ Հիսուսը պետք է թագավորի մեր կյանքում:

*Հասմիկ Հարությունյան*



# Ուրախություն, որ ցնժության պարծառ պիտի դառնա

Բեթլեհեմ քաղաքի շրջակա արոտավայրերում հովիվները հոտեր էին արածեցնում: Նրանք գիշերները պահպանում էին հոտերը: Մի օր Աստծո հրեշտակն երևաց հովիվներին, և նրա փառքը երկնակամարում պայծառ լույսի նման շողաց: Հովիվներն այս տեսնելով շատ վախեցան:

Հրեշտակն ասաց. «Մի՛ վախեցեք, որովհետև ձեզ ավետում եմ մեծ ուրախություն, որ բոլոր ժողովուրդների ցնժության պատճառ պիտի դառնա: Այսօր Դավթի քաղաքում ձեզ համար ծնվեց մի փրկիչ, որ Աստծո օծյալն է: Սա ձեզ համար ապացույց կլինի: Մի երեխա կգտնեք խանձարուրով պատված և մսուրի մեջ դրված»:

Այդ հրեշտակին միացավ հրեշտակների բազմությունը, որն Աստծուն էր փառաբանում՝ գոչելով.

«Երկնակամարի վրա Աստծո փառքը թող հայտնվի,  
Խաղաղություն թող լինի երկրի վրա.  
Եվ մարդկանց մեջ սեր ու հաշտություն լինի»:

Հրեշտակները հանկարծ հեռացան նրանց տեսադաշտից: Աստված առաջինը հովիվներին հայտնեց մարդկության փրկիչ Հիսուս Զրիստոսի մասին:

Նրանք միմյանց ասացին. «Եկեք Բեթլեհեմ գևանք և տեսնենք, թե Տիրոջ հայտնածն ինչ է: Նրանք շտապեցին Բեթլեհեմ: Այնտեղ գտան Մարիամին, Հովսեփին և մսուրի մեջ դրված մանկանը: Տեսնելով նրանց, հովիվները Մարիամին և Հովսեփին հայտնեցին մանկան մասին հրեշտակի ասածը:

Բոլոր նրանք, ովքեր լսեցին հովիվների պատմածը, զարմացան: Մարիամն այս ամենը միտքն էր պահում և մտածում էր դրանց մասին:

Հովիվները արոտավայրերը վերադարձան՝ փառաբանելով և օրհնելով Աստծուն իրենց տեսածի և լսածի համար, որ ճիշտ հրեշտակի ասածի նման էր:

Ավետարան ըստ Դուկասի



# Դասավորիր նախադասությունները՝ համարակալելով ճիշտ հերթականությամբ.

Տիրոջ հրեշտակը երևաց հովիվներին,  
Տիրոջ փառքը լույսի պես ծագեց նրանց վրա,  
նրանք սաստիկ վախեցան:

Այսօր Դավթի քաղաքում ձեզ համար Փրկիչ ծնվեց, որ Օծյալ Տերն է:

Դաշտերում հովիվներ կային,  
որոնք գիշերով իրենց հոտերին պահակություն էին անում:

Սա ձեզ համար նշան կլինի.  
մի երեխա կգտնեք խանձարուրով փաթաթված ու մսուրի մեջ դրված:

Եվ հրեշտակը նրանց ասաց.  
«Մի՛ վախեցեք, որովհետև ահա ձեզ մեծ ուրախություն եմ ավետում,  
որ ամբողջ ժողովրդինն է լինելու:

Ինքդ քեզ կարող ես ստուգել՝  
բացելով Դուկաս 2.8-12:



# Ծննդապատիվը ԲԵՐԹԵՆԸՆ

Մարդկությունը տարբեր ծնունդներ է նշում, բայց կա մի յուրահատուկ ծննդյան տոն, որ մարդկության զգալի մասն է տոնում, որովհետև Բարձրյալ Աստծո Որդու՝ Հիսուս Քրիստոսի ծնունդն է, ինչի մասին մարգարեացել էր Եսայի մարգարեն. «Դրա համար Տերն ինքը ձեզ նշան կտա: Ահա կույսը կիղիանա ու մի որդի կծնի և նրա անունն էմմանուել կղևի» (Եսայի 7.14):

Բերթենեմ թարգմանաբար նշանակում է Հացի տուն, այլ կերպ՝ Հացատուն: Անունն էլ կարծես մարգարեության մաս լինի, քանի որ երկնքից այստեղ իջավ և ծնվեց մեր հոգիներին կենդանություն տվող ՀԱՅՇ, ինչպես որ ինքը՝ Տերն է ասում. «Ես եմ կենդանի հացը, որ երկնքից է իջել: Եթե մեկն այս հացից ուտի, հավիտյան կապրի, և այն հացը, որ ես կտամ, իմ մարմինն է, որ ես տալու եմ աշխարհի կյանքի համար» (Հովհաննես 6.51):

## *Քերթեհեմը իհն կրակաբանում*

Բերթեհեմում է ծնվել Դավիթը, ով հետագայում Սամուել մարգարեի կողմից նույն քաղաքում օծվեց որպես Իսրայելի թագավոր (Ա Թագավորաց 17): Բերթեհեմն անվանում են նաև Դավթի քաղաք: Հռուբի գրքի համաձայն՝ այստեղ են ապրել մեզ քաջ ծանոթ Հռուբն ու Բոոսը: Գիտենք նաև, որ Բերթեհեմում է թաղվել Հովսեփի մայրը՝ Ռաբելը (Ծննդոց 35.19):

Միջիա մարգարեն կանխագուշակում է, որ Բերթեհեմում է ծնվելու Քրիստոսը (Միջիա 5.2):



## Քեթլեհենը և որ կտակարանում

Նոր Կտակարանի ժամանակներում Բեթլեհեն քաղաքը պատկանում էր Յրեաստանի շրջանին, այդ իսկ պատճառով ավետարանիչները կշռում են, որ Քրիստոսը ծնվել է Յրեաստանի Բեթլեհեն քաղաքում: Հովսեփը և Մարիամը ծնունդով Բեթլեհենից էին, բայց ապրում էին Նազարեթում: Այդ օրերին Օգոստոս կայսրը մի հրամանագիր է հրապարակում՝ իր կայսրության սահմաններում գտնվող բնակիչների մարդահամար անցկացնելու վերաբերյալ: Ամեն մարդ պարտավորվում է իր հայրենի քաղաքը գնալ՝ արձանագրել տալու իր անունը: Հովսեփը ևս Մարիամի հետ Գալիլեայի Նազարեթ քաղաքից գնում է Բեթլեհեն, որտեղ և ծնվում է Հիսուսը: Հովիվները, հետագայում նաև մոզերը, գալիս են Բեթլեհեն՝ երկրպագելու Քրիստոսին (Ղուկաս 2):

## Քեթլեհենը ներկայում

Այսօր Բեթլեհենը գտնվում է Պաղեստինի ենթակայության տակ և համարվում է քրիստոնյաների համար հատուկ կարևորություն ունեցող վայր՝ Երուսաղեմից հեռու: Քաղաքը մինչ օրս այցելում են բազմաթիվ զբոսաշրջիկներ և ուխտավորներ, որպեսզի սեփական աչքերով տեսնեն այն վայրը, որտեղ, ըստ ավանդության, ծնվել է Քրիստոսը, տեսնեն սուրբ Ճննդյան քարանձավը, որտեղ հենց դրված է մյուրը: Այստեղ է գտնվում Սուրբ Ճննդյան եկեղեցին, որը կառուցվել է 326 թվականին:



# ՄԱՆՐԱՆԿԱՐՉՈՒԹՅՈՒՆ

Մանրանկարչությունը, որպես կերպարվեստի բնագավառ, հայտնի է եղել հնագույն ժամանակներից, սակայն վերելք է ապրել Քրիստոնեության տարածումից հետո:

Մանրանկարչության հիմնական բնագավառներից մեկը գրքի ծաղկումն է, գրքարվեստը:

Թերթերը տողելու, ուղիղ գծեր և խորաններ, շրջաններ, կամարներ ու լուսապսակներ գծելու համար գործածում էին քանոն ու կարկին, որոնցով զգուշորեն թեթև հետք էին թողնում մագաղաթի կամ թղթի վրա: Դրանից հետո նկարիչը կարմիր ներկով (որդան կարմիր), ինչպես նաև մորենով կամ օքրայով ձեռքով գծում էր զարդանկարի հիմնական ուրվագիծը, ինչպես նաև նկարի այն մասը, որը ծածկվելու էր ոսկով: Ի դեպ այդ մասերին քսում էին որևէ սոսնձող նյութ (սխտորի և այլ բույսերի հյութ, ձվի սպիտակուց), ապա ծածկում բարձր տեսակի ոսկու բարակ թերթերով: Այնուհետև արդեն նկարը ծածկվում էր բնական ներկերով:

Հայկական մանրանկարչությունն առանձնանում է ոճերի և դպրոցների բազմազանությամբ: Ամենից շատ պատկերազարդվել են Ավետարանները, ապա Աստվածաշունչը և ծիսական-կրոնական մյուս ժողովածու-մատյանները: Մեզ հասած առաջին մանրանկարները 6-7-րդ դարերի նմուշներ են: «Մլքե թագուհու Ավետարանը», «Կարսի Ավետարանը», «Տրապիզոնի Ավետարանը» մեզ են հասել Բագրատունիների և Արծրունիների թագավորությունների շրջանից:

Թեև մանրանկարչությունն անբաժան է ձեռագիր գրքից, սակայն ժամանակի ընթացքում այն ինքնուրույն զարգացում է ապրել և իր հարստության, ոճական բազմազանության, գունային առանձնահատկությունների շնորհիվ դարձել է ազգային արվեստի մի ինքնատիպ ճյուղ:

Կրոնական թեմաներով աշխատանքների մեջ առանձնակի դեր ու նշանակություն ունեն գույները: Գույների խորհուրդն իմանալով և դրանց ուշադրություն դարձնելով՝ կարող ենք հասկանալ, թե ովքեր են պատկերված և ինչ բովանդակություն ու գաղափար է արտացոլված աշխատանքում:



1286թ., Ճաշոց, Կիլիկիա





**Կարմիրը** զոհաբերության և հարության գույնն է: Ներկայացնում է աստվածային ուժն ու զորությունը: Ունի մաքրագործող և մեղքերին հարություն տվող նշանակություն:

**Կապույտը** երկնային խաղաղության գույնն է, ցույց է տալիս աստվածային անհասանելիությունը, հավերժությունը, կատարյալն ու երկնայինը: Կարմիրի կողքին կապույտն ամենից շատ գործածվող գույնն է: Հիտուս Քրիստոսի հագուստը կարմիր-կապույտ գույներով է պատկերվում, քանի որ Նրա մեջ միավորվում են մարդկայինն ու աստվածայինը:

**Կանաչը** ներկայացնում է կյանքն ու հույսը, խորհրդանշում է բնության և կյանքի զարթոնքը, Աստուծոց մեզ տրված հավերժական կյանքը: Կանաչի երանգներով հաճախ պատկերվում են զգեստները: Մկրտության տեսարանը պատկերող մանրանկարներից մեկում, օրինակ, Հովհաննես Մկրտչի զգեստը մուգ կանաչ է:

**Ծիրանին** արքայական գույն է: Հաճախ գործածվում է Քրիստոսի և Մարիամ Աստվածածնի հանդերձները գունավորելիս: Միջնադարի մեկնիչները ծիրանի ասելով նկատի են ունեցել այն թանձր կարմիրը, որն ավելի շատ մոտ է կապույտին, քան նարնջագույնին: Այն ստացվում է որոշ խխունջներից և ունի կապտավուն (մավի), արնագույն (կարմիր), կանաչավուն, դեղնակարմրավուն երանգներ:

**Ճերմակը** համարվում է Քրիստոսի գույնը, որովհետև Քրիստոսը մարդկությանը լուսավորեց մեղքի խավարից: Սպիտակով են պատկերվում հարուցյալ Քրիստոսի զգեստները և հրեշտակները:

**Ոսկեգույնը** խորհրդանշում է Աստծո արքայությունը: Դեղինն աստվածային լույսի, իմաստության, ճշմարտության և փառքի գույնն է, սակայն երբ աղոտ ու անփայլ է, արտահայտում է դավաճանություն, եսասիրություն, ագահություն: Սա մասնավորապես Հուդա Իսկարիովտացու գույնն է:

**Սևը** մահվան, տգիտության, խավարի իշխանի գույնն է: Այն հիշեցնում է չարի և դժոխքի հետ առնչվող ամեն ինչ:



1292թ., Ավետարան,  
Նորավանք Սյունիք,  
Գրիչ և ծաղկող՝  
Մոմիկ:



# ԱՉԳԱԿԱՄԱՐԸ ԲԵԹԼԵՆՄՈՒՄ



Բեթլեհեմը մարդաշատ էր: Գտիր ընտանեկան զույգը, որն ապաստան է փնտրում:




Տների տանիքներն օգտագործում էին այցելուների սպաստան տալու համար: Գտիր 3 ծածկ:



Գտիր եգանը գոմում:



Երկարատև ճանապարհորդությունների ժամանակ ավանակները տանում էին բեռներ: Գտիր երկու ավանակներին:



Աստվածաշնչում նկարագրված Հիսուսի ծնունդը տեղի է ունեցել Բեթլեհեմում: Հիսուսը ծնվել է այն ժամանակ, երբ Հռոմի Օգոստոս կայսրը կարգադրել էր բնակչության մարդահամար անցկացնել իրեն ենթակա բոլոր երկրներում: Դրա համար բոլորը պետք է գնային իրենց հայրենի քաղաքները: Այդ պատճառով Մարիամը Հովսեփի հետ ուղևորվեց Բեթլեհեմ քաղաք, որտեղ ծնվել էր Դավիթ թագավորը:



Հերովդես թագավորը, որի իշխանության տակ էր Բեթլեհեմը, վախենում էր նրցակիցներից: Գտիր նրա երկու հետախույզներին:

Հրեա մարտիկներն ազատության համար ցանկանում էին ժողովրդին ազատել հռոմեացիներից:



Գտիր գլխի վրա սափոր տանող երկու կանանց:



Գտիր ծառային,  
որը մսուրի մեջ  
չոր խտտ է լցնում:



Սամարացի մարդիկ  
անցանկալի էին  
հուդայական  
քաղաքներում:  
Գտիր ռաբբին,  
որը դուրս է անում  
սամարացուն:



Մի կնոջից  
գողացել են փողերը:  
Դու կտոնե՞ս գողին:



Քանի՞ աղավնի  
ես դու տեսնում:



Հռոմեացիներին օգնող  
մարդկանց չէին սիրում:  
Գտիր տեղացի  
հարկահավաքին,  
որը մարդահամար է  
անցկացնում կայսեր  
համար:



Նորածիններին  
բարուրում էին,  
որպեսզի երեխաները  
չմրսեին:  
Գտիր մորն ու  
նորածինն:



Հայրենիք այցելող  
մարդիկ հաճախ կանգ  
էին առնում  
ազգականների տանը:  
Գտիր միմյանց  
ողջունող երկու  
ազգականներին:



Օտարերկրացիները  
հազվադեպ էին  
հայտնվում Բեթլեհեմում:  
Գտիր աֆրիկացի  
հյուրին:



Հռոմեացի  
զինվորները  
իտևում էին  
բնակչության  
մարդահամարին:  
Գտիր 5 զինվորներին:



Գտիր հովվին,  
որը փորձում է  
բռնել ոչխարին:



Գտիր սանդալ  
կրծող այծին:

# Խորեն Տեր-Չարուբյան

**Խորեն, դու շատ «խորեն» ես մոտենում քո գործին... Երվանդ Քոչար**

Երևանի Օդակաձև այգում ( Ս. Գրիգոր Լուսավորչի Մայր եկեղեցու հարևանությամբ) տեղադրված հետաքրքիր արձանը կոչվում է «Վերածնված Չայաստան»: Չեղիակը միգուցե շատերիդ համար անհայտ, սակայն աշխարհին հայտնի հայազգի քանդակագործ Խորեն Տեր-Չարուբյանն է:

Խորեն Տեր-Չարուբյանը ծնվել է 1909 թ. մարտի 2-ին, Արևմտյան Չայաստանի Խարբերդի գավառի Աշոտավան /Աշվան/ գյուղում: Սակայն Չայոց Մեծ Եղեռնի տարիներին ընտանիքի ողջ մնացած անդամների հետ գաղթել է Արևմտյան Չայաստանից:

1921 թ. Խորենը ընտանիքի հետ տեղափոխվում է ԱՄՆ: Հաստատվում է Մասաչուսեթս նահանգի Վուսթեր քաղաքում: 13-ամյա տղան դպրոց է հաճախում, նաև աշխատանքի է անցնում նախ՝ որպես կոշիկ մաքրող, այնուհետև՝ փողոցում լրագիր վաճառող: Ու մի օր նկատում է այդ փողոցում գտնվող նկարչի խանութը: Արագ մտերմանալով նկարչի հետ՝ պատանի Խորենը սկսում է ընդօրինակել նրան ու կարճ ժամանակում իր վարպետությամբ և աշխատասիրությամբ զարմացնում վարպետին: Ամեն ինչ որոշված էր. Խորենը պիտի նկարիչ դառնար, հետագայում՝ հրապուրվեր քանդակով:

Նրա ստեղծագործական ուղին սկզբնավորվում և ձևավորվում է արտասահմանում, մասնավորապես՝ Լատինական Ամերիկայի Ջամայկա կղզում, որտեղ ստեղծում է հարուստ գունապնակով գեղանկարչական և գրաֆիկական աշխատանքներ, ինչպես նաև Ջամայկայի կարծր փայտատեսակներից կերտում բազմաթիվ քանդակներ:

Ու երբ արդեն հայտնի քանդակագործ էր, 1970 թվականին առաջին անգամ այցելում է Չայաստան: Հաջորդ տարի Տեր-Չարուբյանը Երևանի արվեստասեր հանրությանը ներկայանում է նկարչի տանը բացված անհատական ցուցահանդեսով:

1983 թվականին արվեստագետն իր միջոցներով ԱՄՆ-ից Չայաստան է տեղափոխում և հայրենիքին նվիրում շուրջ 250 քանդակ:

Խորեն Տեր-Չարությանն իր աշխատանքները շատ քիչ է նվիրել կամ վաճառել. նրա նպատակը դրանք հավաքելն էր ու Հայաստան բերելը: Նա միշտ ասում էր. «Ես չեմ մասնակցել այս երկրի կառուցմանը, միշտ պարտքի զգացողություն եմ ունեցել իմ հայրենիքի հանդեպ»: Երջանկությունից շողում էր, երբ հայրենիքում բացվեց իր աշխատանքների մշտական ցուցադրությունը:

Քանդակագործի ստեղծագործության առանցքային թեմաներն էին՝ ընտանիքը, մայրությունը, եղեռնը, պատերազմը: «Ամբողջ կյանքիս ընթացքում ինձ հուզել է եղեռնը, և թեև մի քանի անգամ անդրադարձել եմ այդ թեմային, դա ինձ չի բավարարել. ցանկացել եմ մի արժանի հուշարձան կանգնեցնել», - ասել է քանդակագործը:

Արվեստագետը մասնակցել է համաշխարհային շատ ցուցահանդեսների թե՛ ԱՄՆ-ում, թե՛ Եվրոպայում՝ ցուցադրվելով հայտնի արվեստագետների՝ Պաբլո Պիկասոյի, Ժակ Լիպշիցի և այլոց հետ:

Նրա մասին հայ քանդակագործության տիտաններից մեկը՝ Երվանդ Քոչարը, ասել է. «Սիրելի՛ Խորեն, դու իրոք շատ «խորեն» ես մոտենում քո գործին, արվեստի շնչով իմաստավորում ես ձևը: Հայ արձանագործության պատմության մեջ, սկզբից մինչև մեր օրերը, ես առաջին անգամ եմ տեսնում մի արձանագործի, որ իր հայությունն առնչում է համաշխարհային արձանագործության հետ:

Շնորհակալություն, սիրելի՛ Խորեն: Դու հայ ես, լավ, ազնիվ հայ, քո սիրտն օտար ափերում տրոփում է հայավարի: Խորեն՛ն, դու բուն իմաստով արձանագործ ես, իսկական հայ արձանագործ»:

Իր ողջ կյանքում Խորենը հիշում է հոր խրատը. «Այս կյանքում հարատևելու համար անհրաժեշտ է ուժգին հավատ ունենալ Աստծո նկատմամբ, խնամքով փայփայել համբերելու առաքինությունը և ամեն ինչին դիմանալու վճռականություն ցուցաբերել»:

Խորեն Տեր-Չարությանը վախճանվել է 1991 թվականին Նյու Յորքում, դժբախտ պատահարի՝ ավտովթարի հետևանքով:



# ԲՎԵՐԸ՝ ԲՆՈՒՐՅԱՆ ՄԵՉ

## 10 ԹՎԻ ՄԱՍԻՆ

- Օմարները՝ փշոտ խեցգետինները, 10 ոտք ունեն:
- Կարիճն ունի 10 աչք: Երկուսը մեծ են, մյուսները՝ մանր:
- Կուլյր օձն ապրում է ավազի մեջ և ընդամենը 10 րոպե կիզիչ արևի տակ մնալով՝ սատկում է:
- Ջրի տակ լողացող փոկի սրտի աշխատանքը դանդաղում է 10 անգամ, որպեսզի թթվածնի պաշարը ճիշտ օգտագործվի:
- Պատկերացնո՞ւմ ես՝ աշխարհում գոյություն ունեն թռչող ձկներ: Նրանք և՛ լողում են ջրում, և՛ թռչելով անցնում 10 մետր հեռավորություն:

## 3 ԹՎԻ ՄԱՍԻՆ

- Ճապոնական ծովային սարդ-խեցգետինն աշխարհի ամենախոշոր խեցգետինն է: Նրա ոտքերի բացվածքը հասնում է մինչև 3 մետրի:
- Ութոտնուկն ունի 3 սիրտ:
- Ոգնու փշերի երկարությունը միջինում 3 սմ է:
- Կկվի ձուն կշռում է 3 գրամ:
- Աշխարհի ամենախոշոր արջերից մեկը կողիակ կոչվող արջն է: Նա ապրում է Ալյասկայում ու կանգնած դիրքում ունի 3 մետր հասակ: Պատկերացնո՞ւմ ես՝ ավելի բարձր, քան ձեր տան առաստաղն է:
- Աֆրիկյան ջայլամն ունի 3 մետր հասակ:
- Կապույտ կետի լեզուն 3 տոննա է կշռում. համարյա ամենազանգի քաշին է:

## 2 ԹՎԻ ՄԱՍԻՆ

- Նորածին ընձուղտն ունի մինչև 2 մ հասակ:
- Լուսնի վրա վայրէջք կատարած առաջին տիեզերագնացները տիեզերանավից դուրս 2 ժամ են անցկացրել:
- Մարս մոլորակն ունի 2 արբանյակ:
- Երկնագույն կետը կարող է ուտել օրական մինչև 2 տոննա կեր:
- Լեմուրն ունի 2 լեզու: Հիմնական լեզվի տակ գտնվում է «ստորին լեզուն», որով մաքրում է ստորին ծնոտի ատամները:
- Կենգուրուները ծնվում են շատ փոքր՝ ընդամենը 2 սմ: Բայց շարունակում են մեծանալ ողջ կյանքի ընթացքում:
- Թքող կորբաները թույլը կարող են թքել 2 մ հեռու:





# ԲԱՑՎԱԾՅԵՆՔ ՄԻՎԱԻՆ



ՄԱՐԴԻՆ ՈՒՆԻ 1 ՍԻՐՏ, ԻՍԿ ՈՒԹՈՏՆՈՒԿԸ` Ը- ՈՎ ԱՎԵԼԻ: ՔՎՆԻ՞ ՍԻՐՏ ՈՒՆԻ ՈՒԹՈՏՆՈՒԿԸ:

ՍՊԻՏԱԿ ՌԵԳԵՂԱՅՈՒՐԻՆ ՈՒՆԻ 2 ԵՂԱՅՈՒՐ, ԻՍԿ ՐԵԴԿԱԿԱՆ ՌԵԳԵՂԱՅՈՒՐԸ` 1 ԵՂԱՅՈՒՐ ՊԱԿԱՍ:  
ՔՎՆԻ՞ ԵՂԱՅՈՒՐ ՈՒՆԻ ՐԵԴԿԱԿԱՆ ՌԵԳԵՂԱՅՈՒՐԸ:

ԽԵՑԳԵՏԻՆԸ ՈՒՆԻ 10 ՈՏՔ, ԻՍԿ ՍԱՐԴԸ` Ը-ՈՎ ՊԱԿԱՍ: ՔՎՆԻ՞ ՈՏՔ ՈՒՆԻ ՍԱՐԴԸ:

ԲԻՅՈՆԸ 1 ԿՄ ՐԵՌԱՎՈՐՈՒԹՅԱՆ ՎՐԱ ՐՈՏ Ե՛ ԱՌՆՈՒՄ, ԻՍԿ ՓԻՂԸ` Կ ԿՄ ԱՎԵԼԻ ՐԵՌԱՎՈՐՈՒԹՅԱՆ ՎՐԱ:  
ՓԻՂԸ ՔՎՆԻ՞ ԿՄ ՐԵՌԱՎՈՐՈՒԹՅԱՆ ՎՐԱ Ե՛ ԳԳՈՒՄ ԹՎՐՄ ԽՈՏԻ ՐՈՏԸ:

ԽԱՏՈՒՏԻԿԻ ԾԱՂԴԻԿՆԵՐԸ ՓԱԿՎՈՒՄ ԵՆ ՑԵՐԵԿՎԱ Ժ Ը-ԻՆ, ԻՍԿ ԱՐԱՇՈՒՇԱՆԻ ԹԵՐԹԻԿՆԵՐԸ` 5 Ժ ՈՒՇ:  
ԺԱՄԸ ՔՎՆԻՍԻ՞Ն ԵՆ ՓԱԿՎՈՒՄ ԱՐԱՇՈՒՇԱՆԻ ԹԵՐԹԻԿՆԵՐԸ:

ԻՍԿ ՔՈ ԿԱՐԾԻՔՈՎ ՄԱՐԴԻՆ ԻՆՅՈՒՒ 2 ԱՅՔ, 2 ԱԿԱՆԱ ԵՒ ՄԵԿ ԲԵՐԱՆ ՈՒՆԻ:



# ԱՄԵՆԱԽՈՐՀՐԴՐԴԱՎՈՐ ՄԱՏՈՂԸ

Կա՞ մեկը, ով ամանորյա եղևնին առանց շղարձակող աստղի է պատկերացնում: Բացի գեղեցիկ լինելուց՝ այն իր մեջ հատուկ խորհուրդ է պարունակում: Իրականում դա Զրիստոսի ծննդյան վայրը (լուսավորող աստղն է, որով առաջնորդվում են արևելքից եկող մոզերը, այն անվանում են Նաև բեթլեհեմյան աստղ):

Այս աստղի մասին եկեղեցու հայրերը բազմաթիվ մեկնություններ են տվել:

**Սուրբ Ջակոբ Ամբինի Ջայրապետ (4-րդ դար, Միջագետք, Ամբին)**  
«Այն պահին, երբ ծնվեց Ջիսուսը, բոլոր մոզերն իմացան, թե ինչպես գևան Նոր ծնված թագավորի մոտ: Այս աստղի մեջ մոզերը տեսան Աբ Կուսին՝ շատ զարմանալի կերպարանքով, որ բազմել էր և իր գրկին ուներ մանուկ Ջիսուսին... Եվ բոցավառ թագ կար Նրա գլխին»:

**Ջովիան Ոսկեբերան (4-րդ դար, Անտիոք)**  
«Դա բազմաթիվ աստղերից մեկը չէր, դրա տեսքով աներևույթ զորություն էր հանդես գալիս: Սուրբ ծննդյան աստղն իր կերպարանքով (արտաքին տեսքով) առավել էր արեգակից»:

**Ներսես Շնորհալի (12-րդ դար, Ճովիջի Նահանգ)**  
«Անտոյի հայտնվելու պատճառը հայտնի է: Բայց այն բնական աստղերից չէր, այլ Նոր ու զարմանալի, քանի որ օրեկքով չէր այդպիսի ընթացքը»:

**Ճաթևացի (14-րդ դար, Աեծ հայք, Այուսիք)**  
«Ըուսավոր աստղը, մոզերին առաջնորդելով, եկավ ու մտավ մտուրի մեջ, ուր մանուկն էր, և կանգնեց Նրա գլխավերևում, ու հովիվները երկրպագեցին Նրան: Այս խորհրդի պատճառով է, որ [ուսուով եկք մտնում եկեղեցի ու տունը կատարում]» (Ճաթևացի):





ՄԻՎԱՄԻՆ ՊՎՏՐՎԱՏԵՆՔ  
ԲԵԹԼԵՐԵՄՅԱՆ ՎՍԿԴՇ ԵՒ ԴՐՎՆՈՎ  
ԶՎՐԴՎՐԵՆՔ ՏՈՆՎՈՒՄԸ :



# Ի՞նչ է Սուրբ Ծնունդը

Սուրբ Ծնունդը քրիստոնեական ամենանշանակալի և հուզիչ տոներից է, որն աշխարհին բերում է ուրախություն, սեր և հույս: Սուրբծնոյան իրական խորհուրդը ձյան անտեսանելի շերտի պես թափվում է աշխարհի վրա՝ տալով ամեն ինչին յուրահատուկ երանգ. Հիսուսն աշխարհ եկավ՝ աշխարհին փրկություն և օրհնություն բերելու համար:

Աստված ուղարկեց իր Որդուն՝ որպես կենդանի նվեր մարդկությանը՝ ցույց տալով սիրո և կարեցանքի գերագույն դրսևորումը:

Սուրբ Ծնունդը մարդկանց միավորում է ջերմության և սիրո շրջանակում. այն ուրախության, բարության և օրհնության ժամանակաշրջան է: Սա այն պահն է, երբ մարդիկ ձգտում են ավելի լավը լինել, մտահոգություն ցուցաբերել ուրիշների նկատմամբ և ձգտում են խաղաղության՝ իրենց սրտերում և ամբողջ աշխարհում:

Սա այն պահն է, երբ նույնիսկ ամենազբաղված սրտերը բուխարու մոտ ժամանակ են գտնում փոխադարձ ժպիտների, գրկախառնությունների և հետաքրքիր պատմություններ պատմելու և լսելու համար: Մոմերի լույսի տակ գրույցները դառնում են կախարդական կամուրջներ սերունդների միջև և փոխըմբռնման ջերմությամբ են լցնում երեկոյան լույությունը:

Սուրբ Ծնունդը նաև նվերներ տալու և ստանալու տոն է, բայց նվերների ինչպիսին լինելը բոլորովին էական չէ, կարևորը դրանք ի սրտե լինեն:

Սուրբ Ծնունդին ամբողջ աշխարհը կարծես կանգ է առնում հրաշքի ակնկալիքով: Սուրբ Ծնունդը մեր տներ է բերում այն համոզմունքը, որ մարդկանց սրտերում միշտ տեղ կա բարության և հրաշքերի համար:


Սուրբ Ծնունդը պարունակում է խորը հոգևոր և մարդկային արժեքներ՝ ուրախություն և իմաստ հաղորդելով մարդկանց կյանքին:

Շնորհավոր Սուրբ Ծնունդ:

Թող ձեր օրերը լցվեն օրհնություններով և թող յուրաքանչյուր պահ լինի Սուրբ Ծնոյան հրաշքի հիշեցում: Թող այս լուսավոր պահի ուրախությունն ուղեկցի ձեզ ամբողջ տարի:

Ֆլորա Սուրբյան





# Շնորհավորում են «Շողիկի» ընթերցողները

«Շողիկ» ամսագրի բոլոր ընթերցողներին շնորհավորում են Սուրբծննդյան այս հրաշք տոնի կապակցությամբ: Սուրբ Ծնունդը լոկ ուրախ և գեղեցիկ տոն չէ, այլև հոգևոր վերածննդի տոն է, օր, երբ Հիսուսը ծնվում է մեր յուրաքանչյուրի սրտում՝ մաքրագործելով մեր հոգիները:

Թող որ Հիսուսի սերը, գորությունը և խաղաղությունը լինի մեր սրտերում և ընտանիքներում:

Շնորհավոր Սուրբ Ծնունդ

Սյուզաննա Ալեքսանյան (ք. Երևան, ՀԱԹ)





Պրովիէրև մեզ մի մանուկ  
Ցնվեց, մեզ մի որդի փրվեց, և  
իշխանությունն իր ուսերի վրա  
կլինի, և կկոչվի Սփանչելի  
Խորհրդական, Քչոր Աստված,  
Քա՛վիտենականության Քայր և  
Խաղաղության Իշխան:

Եսայի 9:6